

沈乃文 主編

明別集叢刊 第三輯

第五十六冊

黃山書社





國家出版基金項目  
NATIONAL PUBLISHING FUND PROJECT


「十二五」國家重點圖書出版規劃項目  
2011—2020年國家古籍整理出版規劃重點項目

沈乃文 主編

明別集叢刊 第三輯

第五十六冊

黃山書社



(明)康從理 著

# 二雁山人詩集一卷

民國十七年永嘉黃氏鉛印敬鄉樓叢書本



# 二雁山人詩集

二雁山人詩集

敬鄉樓叢書

民國十有七年  
永嘉黃氏校印

康山人傳

永嘉人也名從理字裕卿自號二雁山人余童時見里中稱巨室必首康氏至嘉靖間中

試弗售乃

棄而學詩時歐中談詩者惟王拱甫侯舜昭項氏兄弟與余三四輩亦遂聞

矣裕卿少與余甥劉子高游子高將家

子會寇起海上子高提兵赴吳邀裕卿偕裕卿即從子高入吳間關兵革間凡幾歲冒波濤犯鋒刃蹈不測之險膺濱危之禍者數四子高泣向裕卿曰我死職分也君奚苦哉盍去諸裕卿曰君所以邀我偕來者以我能共生死也業以身許君今見危而去非夫也卒偕子高破倭奴收偉績子高旋拜大將建轟毘陵幕下之士日衆裕卿羞與爲伍乃辭而之金陵修故業名動搢紳間不願與裕卿游遂稍饒裕會劉子高病將革思見裕

二雁山人詩集

傳

一

敬鄉樓叢書

卿裕卿亟馳赴爲之經紀後事扶其柩至武林復還金陵當是時遠近之士無不義裕卿者裕卿不善生殖人有以急告輒推而與之前所積盡散蕭然四壁矣而所與游者則益廣裕卿莫能支乃偕項氏兄弟入燕京時余官司馬郎得見裕卿歡甚因盡其蘊咄嗟異之曰康生遽至是哉居頃之京師搢紳之士願與裕卿游者猶甚金陵時矣裕卿恥以私于人取予必以義遇人有急難則奔走之不望報居京師數年其貧如故而詩則益進余友朱海峯亦裕卿在金陵時所嘗同遊者也會徙官與余同舍間與之談裕卿海峯亦稱賞顧一時海內之以能詩稱山人者甚夥海峯初以裕卿亦今山人者流也已而信服其行誼每讌集必偕如是者踰二年會余出守天雄海峯亦請告歸裕卿送之潞河慷慨悲歌洒泪別去歲壬申海峯起補官過

余郡齋握余手曰吾此行不携家君又遠隔千里誰當侶我余曰有康裕卿在矣因令裕卿僦居比舍海峯忽遭疾耶止二三蒼頭淹數旬不愈裕卿謝絕家事臥起其側問藥餌時寒溫夙夜罔懈海峯病轉劇則爲之旁徨祈禱度終不可爲則爲經紀棺殮海峯病將革猶惺惺然囑裕卿後事已絕而復甦張目視裕卿裕卿曰君憂遠道歸櫬之艱耶我當護至山中矣海峯目遂瞑裕卿躬爲殮含如禮收所遺圖籍扶其柩而東至中途舟阻弗前復更而由陸裕卿徒步從之備極勞勩比至山中爲詩哭之盡哀乃去而過余吳中予與海峯爲肺腑交既拜謝裕卿又相向哭盡哀裕卿比發時社中友義裕卿多爲詩歌高其行縷篇牘余痛海峯不能吟乃退而爲康山人傳云

王子曰論者每以富貴驗交情乃生死一作死之際則益難矣裕

二雁山人詩集

傳

二

敬鄉樓叢書

卿邀遊摺紳間燕遊歌詠相征遂固與山人等耳至臨患難際生死毅然以身當之即古俠士不是過余前徵之劉將軍今徵之朱司馬益信裕卿爲義士哉義士哉

同邑友人王叔呆撰

康山人詩序

國家公車不聘士而有茂才異等號跡躋者往往逸于草野間故明詩在布衣中如孫太初張子言 嘉隆之際彬彬迭興亦惟有若謝茂秦吳子允鄭中伯王仲房俞仲蔚顧聖之黃淳甫郭次甫沈嘉則 洪從周諸人而游俞余久者則康山人裕卿也山人有後才隱雁宕山中足跡半天下客長安者十餘年山人性淳謹又不妄謁其所與交者皆海內才顯之士是編多北遊詩卽不擬唐何許人而朗潤清越如樅金考石罔不中聽獨念山人抱用世之志鮮負俗之累而窮約作烏鳥之聲斯足悲矣語曰吐珠於澤誰能不合然則山人之詩信可傳哉昔唐范楚張彪與李杜交有詩名第布衣自兩人外不多得焉才難不其然乎余 詩既憐其才而又嘆聖世多才如前所

二雁山人詩集

序

一

敬鄉樓叢書

稱說也山人名從理字裕卿號曉山永嘉人

五岳山人沔陽陳文燭撰

二雁山人集序

二雁山人集者詩人康君之所著也蓋雁蕩山者吾溫名山也而南復有一雁蕩競爽離立而君乃生其間庸詎偶然哉余早歲則識君余弟舜昭所雖知其長者未知其詩也已君北遊盡友當世豪俊則詩名大起而同里參知王君者尤知君君詩所稱舉火家貧恃晏君者是也君之遊雖多公卿隆乎而其貧乃如故不墮其守也所傾蓋輒膠漆賓館有魚而常越吟思歸不忘故也已而竟歸栖永嘉山水間而其詩益精每一篇出詩人爭傳之咸品君第一人方為君多之而君乃以疾卒年五十八矣士友既甚痛君將永君於千載會有吳中曹君者詩人巨擘也正來求君後之僅數日乃哀哭君而遂刪定其詩為若干卷總若干首而君之外兄少尹王君者亦詩人也相與勦力君

二雁山人詩集

序

一

敬鄉樓叢書

不朽之事寧有遺憾乎哉吾知君之目固瞑矣瞑矣序曰君之詩高者乃優入盛唐闢域下者亦復出流輩是其傳無疑也乃余因君詩而上下於古今詩人之際大率其自為言也常合其為人言也常離三百篇漢魏皆自為言者也六朝侈靡則為人之欲豔之也唐以取士無不為詩而詩亦多為律者則以人之富貴之也蓋兩者參半焉而工拙始分矣君生於休明其取士以經義不以詩而君乃癖詩無祿利之望以詩贊人人輻輳歸之無不願為君役者而君乃不以牟利竟以窮終其身故君之於詩也猶饑渴之於飲食也快意當前其孰不為工而工亦安取人憐哉然則詩之本君得之矣則宜其絕衆流而躋於岸也夫所謂永君於下載者非名耶名儒者不近也雖二氏之學亦無名欲願君子之所以能相敵天壤者獨心焉耳故讀君之詩

則知君固窮之心與諸君子斷金如蘭之心是為序萬曆辛巳孟秋既望江省左使同郡二谷山人侯一元撰

二雁山人詩集

序

三

敬鄉樓叢書



二雁山人詩集上卷

康從理裕卿父著

五言古詩

山中雜詩三首

卜居去煩囂蕭條傍山麓仄徑杳以深流雲媚幽獨犬吠煙際  
林雞鳴樹間屋撫心良曠夷居然上皇陬慨彼太行車遙遙覆  
輪軸長謠中自怡巧梅非所逐

林居起朝嗽東風吹習習社鼓樂比隣祝年笑相集雖無圭爵  
檐亦早玉爲粒所以古達賢龍蛇竟泥蟄丘園時久非豈冀束  
帛入寄語素心人終焉事鋤笠

荒園惜閒曠樹之桃與李無言答春工成蹊亦其理眷彼蕙與  
蘭含英巖谷底豈不戀幽深芳香逐風起計功匪吾私所慨駒

二雁山人詩集

上卷

一

敬鄉樓叢書

隙駛聞道孔氏言夕焉甘已矣

將遊玉女潭初發金陵途中寄顧季子

玄冬涉遠道道遠行且艱與子別城隅含愴登寒山據鞍屢遲  
滯所念離別難徘徊望不極游騎遠重關關門迫且深况迺經  
長林脊彼丘壑美戒此馳驅心日暮當停憩解轡投溪陰詎曰  
厭孤寂憶爾綢繆深綢繆兩心得凄其感睽隔憂心曷以紆矧  
復臨寒夕驚颺厲霜條哀鴻度玄澤悠悠呢殘燭落落慙孤跡  
孤跡且自諭詰且趨修途渴飲荆溪泉飢嚼陽山蒲遙遙入雲  
端還望臨空無倘遇王子喬邀子同遊娛

贈周少尹

豐城翳神劍荆山蘊良璞至寶苟在淵精光自遙燭周侯體明  
德宏才信超羣簞仕值休明佐茲魯與卓清淨扇仁風疲氓霑

恩渥海邑固僻遐賢聲播闔閭譬彼丹穴禽六翮五文錯卑棲  
雖棘林雄飛俟寥廓

山中梅花盛開因懷胡元瑞

端居歲方晏幽心轉淒惻所思隔河關無由見顏色山中有寒  
英冰霜不能蝕皎皎絕垢氛可以匹休德道遠莫致之芳香聊  
自卽

雜言二首

坎壈意不適孤坐憑前楹眷此花間鳥關關聲和鳴如何平生  
契別來歲邁征舉目睇高鴻翩翩一何輕寸心聊可托遙向江  
南城

落日照林皋遙天夕澄霽連嶂疊嶙峋空翠出雲際咄嗟斷蓬  
根曷爲塵氛翳逕草寂以深庭花婉何麗昨感日再陽倏焉朱

二雁山人詩集

上卷

一一

敬鄉樓叢書

明遞覽鏡心鬱陶坐惜年華逝歸去南山陲稅地有餘計白雲  
滿檐楹偃仰情不替長謠振巖巒賤貧有真意

將入雁山曉發珠浦山中

貪奇戒晨裝聞鷄攬衣起名區性所就飄然神欲駛徒御飽新  
炊悠悠出田里斜月挂寒林餘霞媚秋水山川發清華肆目信  
佳美誰寧役形骸營營昧生理

寄喻邦相胡元瑞

援我綠綺琴欲彈轉復却零露濕空林月間桂花落引領立徘徊  
迴山川博盤錯美人立其間觴翰共娛樂徒有此清芬天長竟  
難托誰念此衡門終年守寂寞悵矣步前楹形影自相索

七言古詩

遊張公洞歌

自從結髮走湖海，落落風塵歲月改。足底煙霞萬里程，靈芝叢  
桂恣攀採。邇來臥病江水東，閉門忽忽經秋風。懷仙倏動十洲  
想，扁舟遠泛寒雲中。寒雲兮縹緲，青山兮窈窕。中有神仙之古  
洞，遙聞靈異如蓬島。初臨冥昧不可測，疑是乾坤未剖割。張燈  
列炬試黃緣，倒石巉崖畏攀陟。千盤百折一線通，秘戶玄扉竟  
何極。懸崖倒刺斷復聯，舉頭四顧心茫然。珊瑚作柱玉作壁，祥  
光燦燦紛青蓮。飄如乘風渡滄海，波濤滿目殊驚駭。矯若驂鸞  
朝玉京，雲霞萬疊飛氤氳。瑤花貝樹自糾結，舞鳳蟠螭更奇絕。  
巍巍大人冠弁雄，曼曼仙姝環珮綴。蛟龍擊擾日月昏，虎豹盤  
蹲山谷裂。安得駕列缺而長驅，策燭龍于不滅芝田。晨耕丹竈  
夕燕衣，空洞之雲綃。滄靈巖之玄雪，長遊洞府春永緇。松喬悅  
凡胎，未濯塵念生回頭。倏忽迷蓬瀛，赤烏空紀造化力。金丹已

二雁山人詩集

上卷

三

敬鄉樓叢書

負神仙盟歸來城市恍若失，條然獨悟神魂清。吁嗟乎人生探  
奇須盡丘壑情，尚平胡爲兒女櫻謝公，却負登山名。

白嶽歌爲何侍郎賦

白嶽峯東南雄秀結，青芙蓉奇巖怪石摩蒼穹。含煙噴霧長溟  
濛，下帶新安水迢迢。碧波駛遙看一作敬亭山兀兀飛塵間，幽  
幽古澗住仙靈。隱隱諸峯飛日月，匡廬峙其左。大江走其東，高  
標凌海日。佳氣挾長虹，紫殿千重接。紫宸青林九曲帶，青雲琪  
花瑤草儲靈藥。暮靄朝霞爛綺文，歷歷層巒散玉叢。瑤笙縹緲  
隔遙空，天門涵曙色。玉女駐春容，霞洞雲長濕。桃谿雨盡紅攬  
秀，登臨亦快哉。初袖臺上試徘徊，白猿啼落林間月。玄虎眠殘  
石上苔，葦山冠裳字借問誰。其主鐵薦光搖日，色寒青曉聲落  
霜華。兩霜華日色共氤氳，散作甘霖遍九垓。請看朝暮諸峯上

黯黯長含萬里雲

贈張秀才

有人家住漢江曲，白首窮經嗜真樂。聲名日滿天地間，不厭貧  
居尚泥蟻。今皇三載燕京遊，章縫不羨公與侯。墟頭一醉意豁  
爾，側身消盡乾坤愁。蛟龍尺水未必死，爨下之木良工求。誰寧  
憔悴戀丘壑，翔翔好待同風秋。

送別丘謙之計部出守湖陽

憶昨逢君長安邸，製錦華陽名赫起。循良有績漢主思，掌計須  
君國家倚。竦身昂昂天馬資，足下風雲日千里。解釋萬事游刃  
中，迴映清冰玉壺裏。自將郢國陽春篇，散入風塵煥文綺。二三  
知己軼長安，戢然貴却洛陽楮。余也荷衣羞似雪，短刺經年字  
俱滅。囊中無錢百不憂，五侯門前足不躡。何來握手千古心，詎

二雁山人詩集

上卷

四

敬鄉樓叢書

問升沉及工拙，卜鄰不隔暮與朝。日對庭花夜城月，磨來短劍  
未報君。匣纏虹光寸心結，潮陽古郡漲海東。鯨鯢十載吹腥風，  
剪伐已賴神武力。只今凋瘵思春融，撫綏日暉天子念求賢。曉  
御明光宮簡拔，良守釋南顧保障非爾誰。其雄爲霖爲雨澤，還  
土振枯起稿回。天工丈夫要須照，今古誰寧齷齪同。凡庸燕山  
十月北風急，淚洒紅冰暗沾臆。牽裳且復立斯須，唱徹驪歌慘  
無力。尊前雲雨可奈何，回首春凋五陵色。蒼梧之野雁不飛，庾  
嶺梅花夢魂轉。茫茫關塞道路長，欲附晨風恨無翼。賴爾城頭  
栖鳳凰，化作文章照辰極。

靈槐篇爲李中舍作

君不見長安街西有古槐，枝枯如鐵生莓苔。拂雲捧日已千尺，  
亭亭聳立何雄哉。翠濤翻風墜冰雪，綠陰如雨沉樓臺。根蟠厚

地得神力云是上公手親植曉濛光涵雨露私夜深影動星辰  
色南省仙郎舊鳳毛韋賢事業倍增高培根樹德識繁茂不羨  
王家世澤蒙茲聞入夢轉靈異彩筆文綃爲標記濃陰人懸召  
伯思喬柯匠識明堂器托根元非凡木同扶疎自近蓬萊宮青  
青不改萬年葉長挂扶桑日影紅

送表兄王衡叔還永嘉

薊門塵沙秋欲夕楓葉翩翩雁聲急況當離別弟與兄一唱隨  
歌慘於泣憶昔垂髫同少年看花嬉笑春風前蹉跎半百恥未  
立鏡中白髮心茫然吾生不辰離亂逢誅求到骨身飄蓬雁行  
零落鸞鏡缺欲歸爭復田園空別來不覺歲已久江城十度青  
楊柳都門暫爾展舊歡寸心未吐悲分手酌君酒我且歌行天  
白日如飛梭百年聚散已難計悠悠此別將如何君今還故山  
二雁山人詩集 上卷 五 敬鄉樓叢書

寄項豹章

前年與君同作客尊酒留連共朝夕今年君歸我尙留淒涼臥  
病一作臥長安陌憶與君別時江亭綠柳垂烟絲片帆南去疾如  
箭碧雲萬疊勞相思今來秋風漸蕭索幾度思君淚雙落吳天  
茫茫滄海深夢魂不畏蛟龍惡念君君歸良可哀雁行零落心  
應摧江山無言失舊色池塘春草生寒灰歌聲一發腸欲裂憐  
余幾作無期別殘骸未枯會可期但愁短髮朝如雪悠悠世事  
詎足憂古來豪傑皆荒丘銅臺已傾金谷改繁華轉眼如浮漚  
君亦不足苦半華山堂勝金塢花月長盈杯酒前慷慨高歌且  
梁甫

送沈箕仲南歸

西風颯颯木葉飛都門悵別牽君衣黃塵滿眼道路寒瑤琴欲  
奏知音稀嗟我山中人一作走京國漫爾逢君大道傍握手無  
言兩心得慷慨同歌白日寒不向黃金改顏色羨君清才不可  
當筆端萬斛珠光燭南未逞大鵬翼天池雲水空微茫把刀  
贈君莫疑揚眉吐氣須逢時會稽樵夫渭水釣英雄莫笑經  
綸遲我有傲紫貂脫換燕市酒未可殷勤吐寸心聊得須臾緩  
分手君不見昭王臺昔時黃金今草萊鏡中朱顏忽凋謝黃河  
東逝難西回不如相逢且飲酒醉中長嘯心神開君今南歸我  
尙留寒雲萬疊飛鴻愁青山落日此時恨傷心何處登高樓

送譚比部出鎮豫章歌

君不見金陵道滿目青青盡烟草烟草年年送馬蹄一回一別  
令人老又不見江上月今古無情照離別聚散人生莫可期安  
二雁山人詩集 上卷 六 敬鄉樓叢書

能與月同圓缺羨君獨乘河嶽英少年射策登王廷爲郎三載  
寄華省隋珠和璧輕連城邇來東南有小醜跳弄潢池勢雄赴  
天子臨軒意獨專知君元是屠龍手行旌此日發帝鄉鐵冠豸  
服明秋霜先聲已自奪豺虎化作春陽入豫章送君去意轉悠  
悠曉日蒼蒼映碧流蕙一作兩岸白於雪一望烟波生遠愁

送姚太守之任大名

金陵才傑君獨賢少年射策凌雲烟朱顏皎皎未三十殊恩特  
拜專城權形轄金印照桑梓錦服承歡樂何似百畝湖田竭旨  
甘萬鱗牙籤集圖史羨君丰神自超越滾滾河流才不竭千尋  
碧澗穿寒松萬里瑤天瑩明月都門昨夜使星動冠蓋如雲出  
相送玉壺清酒花復殷金鞍寶馬嘶青山澗澗道白下城一望  
迢迢草色青送君思君無限情

寒松册爲劉封君賦輓

少微光隕章江夕落木悲風送秋急喬松百尺撐寒雲突兀乾坤見孤立劉翁愛此有深意歲寒心事誰能識天生不世真奇才精靈奪盡山川力盤拏自老虬龍姿幽貞兩抱冰壺色少年讀書老不倦眼底浮雲意無戀春風驗石萬物私片言如獄千金賤赤龍只今向蓬海欲拜清魂竟何在東流慘淡寒日微玉笥千峯失光彩獨餘隴上瓊瑤枝崇樑巨棟明堂待茲來半刺借江城樹樹棠陰接煙靄噫嘻吁劉翁之澤垂千載

綠猗亭爲王竹巖中丞賦

城邊新築東山墅謝客巖前映秋水千章高樹排蒼雲一片清寒隔塵市中丞由來抱奇節屹立乾坤詎能折種成草木無凡花萬玉蕭蕭傲冰雪琴書滿床酒滿觴時時宴客喧高堂綠雲

二雁山人詩集

上卷

七

敬鄉樓叢書

沉沉書不墮澄湖入眼如瀟湘亭中豈來俗子迹我亦二仲能徜徉讀公之書醉公酒耳畔颯颯天風吼夏玉鏤金滿林藪

送譚思重參軍予告還晉陵

去年奉使虜龍塞躍馬揚鞭騁雄味朱旆捎雲野艸低霜蹄踐月寒光碎今年事畢覲天子特以賢勞賜褒美樞府龍韜幕下帝京魚鑰長城倚西風吹雲南雁翔故園入夢尊鱸香朝持尺書叩閭闔尊承沐沐還江鄉潞河長帆挂天起簫鼓搖搖秋萬里吳雲楚月金樽傍海色濤聲彩毫裏清川縈迴帶華薄春花十里照城郭林中山屋文杏栽池上春山圓風草交情却憶十年餘青眼相看意不虛未唱離歌心已折蕭蕭楓葉蘄門墟

同王武選過唐比部新居

長安街西地亦幽入門蘿壁蒼烟浮青山隔城見古色白雲作

署銷塵愁坐清高林接上苑酒闌寒月懸西樓相過不少歲星侶乾坤意愜皆滄洲

金萬癡何子剛見訪

寒林葉深冬日微何來二仲敲荆扉中厨亦自啄烏粒上客能不嫌牛衣白雲向人真意得青山對爾塵言稀出門倚棹月皎皎素心繾綣君休違

五言絕句

雜咏六首

白雲壓林泉澄江浸山影手中一綸竿清風接箕顛  
路入蒼山古桃花浪亦香村村桑柘影落日滿魚梁  
水帶瀟湘澗山連鬼谷幽百年江漢迹高臥艸堂秋  
古寺嵌叢巖孤帆向天末隔水起疎鐘人煙冷紅葉

二雁山人詩集

上卷

八

敬鄉樓叢書

孤堞寒雲亞千山暮雪迷自憐清絕意倚杖灞橋西  
關徑穿高樹開門倚大河長安塵土色終不到藤蘿

題王必漸畫册四首

花竹春山靜柴門遍綠苔幽人無侶伴時共白雲來  
江頭春日暖宿雨潤輕花訊爾孤飛燕應歸舊主家  
江虛雲欲墜秋水浸柴扉落日微風起漁舟歸不歸  
秋歸蘆荻寒月映瀟湘白羣雁隔重雲腸斷孤舟客

長信宮詞

何處金輿度重門月到遲莫嫌岑寂地曾記奉恩時  
曉起息園看芙蓉同郭山人賦

疎雨濕寒塘曉色蒼煙裏芳魂不自持盈盈映秋水

起步梧桐月影懷孝符

殘漏隔秋林月照重門靜徘徊中自傷立盡梧桐影

清江浦夜泊

關塞家何在清江夜泊船傷心波上月蕩漾不成圓

子夜曲二首

所歡在遠道夜夜愁空床但守歲寒心有露終成霜

君如雨餘絮隨地粘泥沙妾非陌上塵安得逐君車

大乘菴

石徑遶寒流漸入煙霞境寧知獨夜禪月照千峯靜

七言絕句

元夕紀事六首

笙歌風卷入雲斜簾幙千重簇絳霞珠樹畫樓聯翼鳥鴛池春

發並頭花

二雁山人詩集

上卷

九

敬鄉樓叢書

城闕高寒月倍明天街遙送踏歌聲竹枝楊柳春多思紛作江

南別後情

駿馬驕嘶白玉鞭雕車翠幙圍爭妍萬人開處笙歌入一道香

塵散彩煙

濯龍門外五侯家舞袖千群燦錦霞倚醉不知冰雪在先令火

樹夜生花

萬花嬌映石榴裙弱水蓬山路此分醉裡不知誰是夢香煙空

結楚臺雲

翩翩俠士五陵東馬上橫飛氣自雄慷慨獨留肝膽在黃金一

擲笑談中

春日山居七首

門掩青山陸似沈晴花分暎艸堂深白雲一片能相戀消盡風

塵是此心

響奪笙竽巧弄音半牕花日夢初沈懸知天上雲門奏不換春

山竹裏禽

竹籜爲冠薜製衣中林高枕過人稀乾坤似亦私貧賤分得青

山可慰饑

松蘿門巷鎖春煙暖入桃花促醉眠世事盡拋高枕外無懷真

作夢中天

山花抱暈畫冥冥深樹流鶯獨坐聽故舊天邊春未寄銷魂芳

艸傍愁青

客來隨意可班荆綠酒香泛落英自愛山家滋味薄不將春

韭羨侯鯖

咫尺陽湖勝朝川主人更比右丞賢尋常小艇春堪載不必山

二雁山人詩集

上卷

十

敬鄉樓叢書

陰夜雪船

吳淞

霜滿蒹葭月滿津坐憐孤影傍愁身相思一夜風前笛亂落梅

花不是春

秋泛洞庭

君山南望淨風煙遙拜湘靈思渺然欲採江蘼薦瑤席洞庭秋

水正無邊

無題

高樓愁倚淥江深一曲琵琶月影沈莫訝江州輕有淚別離從

古易傷心

冶城道院夜坐

空庭香氣暗氤氳河漢迢迢夜漸分華月入林人已靜滿階桐

葉亂秋雲

聞雁

長江秋夜荻花開月暎澄波影獨來莫向寒雲更悲一作怨斷

腸孤客夢初迴

莫春夏處士園亭

新竹山廳蕙艸香自將幽思對蒙莊衡門獨掩無人到落盡亭

花日正長

雨懷

寶瑟淒涼古調傷淚痕輕點爵金裳一庭風卷芭蕉雨銀燭微

銷夜轉長

次黃淳甫

往事無憑亦浪嗟空留春恨在東家江南江北迷煙雨一任輕

二雁山人詩集

上卷

十一

敬鄉樓叢書

風送落花

夜泊二首

千峰兩岸壓孤舟月色灘聲伴客愁十載家山歸漸近鄉心翻

自向并州

春樹猿啼野泊中夢回山月照孤篷溪聲却帶歸心急一夜潺

湲只向東

舟中

孤舟西日度平沙雲壓長天雁影斜家寄秣陵山萬疊芙蓉秋

水夢寒花

運河垂柳

萬株垂柳覆長溝日月雙懸照碧流聖代只今勤內顧清陰不

帶汴堤愁

雨坐

簾幕低垂燕子閒桃花春盡隔千山十年湖海無窮恨贏得蕭

然鏡裏斑

山中

青山石路障煙霞雞犬深林自一家盡日喜無車馬到笑看流

水泛桃花

柳枝詞爲程汝楫賦

濕露搖風拂水濱輕盈如鬪楚宮春銷魂不奈河橋暮猶自翠

眉向遠人

訪卓城甫四首

十年遙憶醉墟頭花下燕山隔勝遊欲寄相思與飛雁暮雲關

塞不禁秋

二雁山人詩集

上卷

十二

敬鄉樓叢書

刪就玄經草一亭鈎簾寒挂萬峯青浮雲身外元無繫縱起金

門亦歲星

祇樹新栽竹外林焚香晏坐意何深知從妙喜超生滅今續維

摩未了心

家傍西湖樂事多春風日日畫船過雄心一片將明月醉挹青

天倚劍歌

入能仁寺登四十九盤嶺

絕巘孤危鳥道懸羊腸曲曲逗風煙雲邊碧漢寒相暎秋落芙

蓉鏡裏天

客星槎爲方元素賦

澄江一片淨無煙欲溯孤槎日月邊載取銀河秋夜色清華俱

作上都篇

寄表兄王衡叔

酌酒談棋亦歲華高齋頻過意無涯半牕清月黎床話坐對庭  
前夜合花

集孔陽宗侯宅賦得酒

鬱金香瀉玉壺清不飲其如達者名今日西園羣彥集也能設  
醴爲康生

江上月

清垂寒影伴孤舟圓作歡情照玉樓一種光輝江上夜催人歌  
管助人愁

凱歌二章贈劉都閫子高

萬里滄溟積霧空舳艫千里蔽長風吳淞安得千尋石爲記平  
蠻第一功

二雁山人詩集

上卷

十三

敬鄉樓叢書

國士龍蟠氣若雲犬羊漫自有千羣魁從不忍皆誅殺馬上停  
鞭草檄文

送吳明卿叅知還大梁五首

立一作馬風塵一作擁佩刀中原岳牧世稱豪未將楚國陽春  
曲添作燕山白石一作高

西望襟帷去若飛滹沱寒日影霏微報君無地空懷劔灑淚秋  
雲濕布衣

豈必黃金活賤貧艱危當日片情真十年飄泊燕臺下亦是夷  
門感激人

裘褐悽惶短髮殘欲歸滄海傍漁竿青雲回首煙蘿隔轉意長  
安此會難

鄒枚詞賦舊時名寂寞煙霞艸樹平今日梁園秋月色只應千

古爲君明

送項豹章還永嘉

鴻雁悲鳴感異林青山飛夢海雲深君應知我無言淚故國難  
歸寄此心

送蔡計部之徐州督儲

暫輟含香出漢宮半帆秋色海雲東鄴侯舊里如相過應問當  
年轉餉功

送曹子念還婁江六首

余家東越爾東吳同着荷衣客帝都袖裏魚腸光射斗風塵誰  
解識屠沽

長嘯風前拂布袍片帆歸歷廣陵濤洞庭霜橘吳淞脂醉裏青

山日月高

二雁山人詩集

上卷

十四

敬鄉樓叢書

握手離愁燕市傍江南秋色正微茫煙霞盡入囊中艸添作驪  
珠海上光

無論行路自悠悠白雪歌成出帝州今日鍾期婁水上朱絃那  
得向人愁

君歸家住大江皋濯足東溟萬里濤拂石青天高臥枕投竿無  
意釣鯨鰲

離城高彈欲斷魂蕭蕭易水對清尊丈夫意氣看龍劔未必千  
金即是恩

送安茂卿還梁溪二首

一尊臨路驂生愁馬上寒雲凍不流握手陵陽千古淚無言沾  
酒向貂裘

曲曲寒塘水拍堤千花三月暗梁溪長江不隔相思夢行數青

山路不迷

送王立德之留都三首

駿骨原從渥水源  
蹴冰踏鐵氣猶存  
鹽車一駕長鳴地  
芻秣誰云是主恩

青門尊酒泣離歌  
自挂高帆下九河  
世路只今多按劍  
莫將簪弁薄煙蘿

種秫元多負郭田  
誰甘五斗向人憐  
扁舟岸幘高歌去  
探得驪珠海日邊

送胡元瑞遊楚七首

楚江煙月待仙舟  
萬里看君彩服遊  
忽唱驪歌尊酒畔  
五陵花鳥動春愁

黃鶴翱翔不記年  
高樓猶自壓風煙  
銷魂最是凭欄處  
芳艸愁

二雁山人詩集 上卷 十五 敬鄉樓叢書

連薊北天

江漢悠悠向海流  
風煙不動練光秋  
囊中收得驪珠艷  
夜夜蛟龍窟底愁

魚腸晴影照長空  
大野寒生匣底風  
翻手屠龍君自得  
肯將連鐔事雕蟲

分付離愁向玉琴  
薊門風雪助霑襟  
相思若問心何似  
似衡嶽蒼蒼夢澤深

何意雲萍聚鄴都  
上林花月醉相呼  
誰堪轉作關山夢  
風雨瀟瀟散五湖

雙合溪流散穀文  
江山千載一逢君  
茲行故里陽春句  
添作城頭五色雲

送彭稚脩還豫章四首

易水悲歌對濁醪  
腰間龍劍照奔濤  
匣歸好護芙蓉色  
添作豐城紫氣高

河邊立馬聽驪歌  
人自傷心水不波  
握裏但將明月在  
任他按劍路旁多

莫問黃金貫酒壺  
頭不散薊門春  
試觀千載英雄事  
堪作肝腸是幾人

彭蠡蒼茫浸碧空  
路歧無限嘆飛蓬  
銷魂最是秋風裏  
不得南飛似雁鴻

徐州別曹子念四首

彭城秋草帶斜曛  
惆悵逢君又別君  
聚散自由能不繫  
傷心不及楚山雲

東馳如電迅長河  
秋水連天淨不波  
安得峭帆同挂月  
中流一

二雁山人詩集 上卷 十六 敬鄉樓叢書

和榜人歌

寒聲不斷雁隨風  
燕子樓西日影紅  
君放扁舟何處去  
長河那肯不流東

蘆荻蕭蕭老自愁  
太湖煙月萬峯秋  
君歸好斫吳淞膾  
莫道中回剡曲舟

送李本寧太史出秦秦藩五首

視草鸞坡久著聞  
少年才子孰如君  
孤鶩去作岐山鳳  
寂莫城頭五色雲

且醉燕山舊酒樓  
故人拚盡鷓鴣裘  
陽關見說無窮路  
葉葉春煙柳色愁

羌笛聲中落日愁  
千山秋月古涼州  
一作關門不隔雙魚字  
日夜東來渭水流



隴樹洗雲路渺漫沙場霜月戍樓寒清歌若傍金尊醉亦是長  
安馬上看

莫問鏡歌出塞寒由來岳牧重虞官任他隴坂摧車地行擁朱  
輪路不難

留別真州諸丈四首

殘楓斷雁暮雲間別路誰能不淚潛歸臥煙蘿堪自老肯將白  
髮負青山

孤帆四望楚天寒南入吳關更渺漫一片白雲江色暮空將明  
月對愁看

客心無限故鄉愁却為情深十日留老倦只今悲寒雁年年棲  
泊向沙頭

千峯萬水路難分一曲離歌可奈君關塞不將魂夢隔青山飛  
二雁山人詩集

作楚天雲

送朱在明光祿還靖江二首

黃金世路爾能偏貧賤交情二十年今日山川分手處銷魂雙  
淚一尊前

彩筆春華授簡前平臺賓客讓君賢曳裾亦是藏身地偃蹇長  
哦桂樹篇

江蘇館再別在明四首

十日平原飲未休歸心隨雁上扁舟多君不盡相留意一片長  
江向海流

白首歸將臥海雲西風吹葉雁初聞故山他夜梅花月惆悵清  
遊不共君

離愁堪向酒中消越水吳山路不遙最是相思魂夢近孤帆一

片挂寒潮

江城曾得謝公遊君若能來路不愁明月一舟嚴子瀨青山兩  
岸喚寒流

漫興二首

一林紅紫門芳辰病裡移牀賞更新却笑長安車馬路風塵吹  
老未逢春

日自西馳水自東長歌天地意無窮含情最是青山色閱盡興  
亡不語中

五言律詩

萬花林

步屨春難盡青林照萬花香沾衣上雨紅暎酒邊霞地豈河陽  
借人多梓澤誇山川今漢代不是避秦家

二雁山人詩集

集歐國博寺中館

宦跡棲雙樹幽心自不羣客尊分湛露書榻冒慈雲地古塵聲  
隔天青梵樂聞何知星聚此一作聚光映斗間文

與胡元瑞夜話

地僻沈更漏燈花喜對君衰遲翻有托神秀本無羣六翮翻青  
漢孤蹤傲白雲不眠銷病色擊節子虛文

歸興二首

短棹桃花水南歸亦勝遊纜牽沙雨淨帆挂柳風柔入饌饒金  
鯽狂歌狎白鷗妻孥將十口相對不知愁

清白吾寧賤囊貧意未枯有天容飲啄無淚洒江湖永夜星隨  
鷓芳春酒在壺故鄉歸漸近煙雨暗蘼蕪

過天津